



Պ Ա Տ Ճ Է Ն.

Շրջաբերական կոնդակ յանուն թեմակալ առաջնորդաց Հայոց Ռուսաստանի (ըաց ի Բեստարաքիոյ)։

Մկրտիչ ծառայ Յիսուսի Քրիստոսի եւ անհասանելի կամօքն Աստուծոյ եպիսկոպոսապետ եւ Կաթողիկոս ամենայն հայոց ծայրագոյն պատրիարք համագգական նախամեծար Արքուոյ Արարատեան առաքելական Մայր եկեղեցւոյ սրբոյ կաթողիկէ էջմիածնի։

Իլրումն հեռագրական հրամանի մերոյ յ17-ն օգոստոսի տարւոյս որ զվերաբացմանէ եկեղեցական ծխական դպրոցաց մերոց ի վերայ հիման կանոնաց Բարձրագոյնս հաստատելոց յ19-ն յուլիսի 1874 ամի՝ այսու Հայրապետական Կոնդակաւ մերով պատուիրեմք Վերապատուութեան Չերում առնել շրջաբերական կարգադրութիւն ի թեմիդ զյետագայիցն վասն այսր 1905—06 ուսումնական ամի։

Ե. Վասն ընտրելոյ հոգաբարձուս ծխականք պարտին առաջնորդիլ ըստ ճիշտ մտաց «Ժամանակաւոր կանոնաց յաղագս կառավարութեան գոյից հայ-լուսաւորչական եկեղեցեաց ի սահմանս փոխարքայութեան Կովկասու»։

Բ. Ըստ երկրորդ կիտի ժամանակաւոր կանոնացն այնոցիկ նորընտիր հոգաբարձուք հաստատին ի թեմակալ Առաջնորդաց, զորոց զընտրական թերթն ըստ այդմ Փոխանորդք և գործակալք պարտին առաջի առնել թեմակալ Առաջնորդաց ի հաստատութիւն և ոչ Մեզ:

Գ. Ըստ երկրորդ կիտի ժամանակաւոր կանոնացն ընտրի ի ծխականաց իւրաքանչիւր եկեղեցւոյ մի և եթ մարմին (կազմ) հոգաբարձութեան, որոյ պարտիք են բանալ դպրոցս, հիւանդանոցս, աղքատանոցս, ապաստարանս և այլ բարեգործական հաստատութիւնս:

Դ. Հոգաբարձուք ընտրեն զաւագ ուսուցիչս և զաւագ ուսուցչուհիս, որոց առաջարկութեամբ և կազմեն զխումբ ուսուցչական:

Ե. Աւագ ուսուցիչք և ուսուցչուհիք և բովանդակ ուսուցչական խումբն հաստատին ի պաշտաման իւրեանց ի թեմակալ առաջնորդաց ըստ առաջարկութեան հոգաբարձութեանց:

Չ. Թեմակալ առաջնորդք պարտին զբացմանէ իւրաքանչիւր դպրոցի անյապաղ զեկուցանել Մեզ և Դիւանատան Փոխարքայի ի գիտութիւն և ի տեղեկութիւն:

Ի վերայ իսկականին գրեալ է

Մկրտիչ Կարապետեան ամենայն Հայոց.

Ի 40-ն Անպտեմբերի 1903 ամի

Ի Ա. Էջմիածին: